

**Folkehøjskolerit pillugit Inatsisartut inatsisaata allanngartinnera pillugu Inatsisartut
inatsisaat nr. xx, xx. xxx 2017-imeersoq**

*(Ilinniartitaanermut, Kultureqarnermut, Ilisimatusarnermut Ilageeqarnermullu
Naalakkersuisumut saqqummiunneqartoq)*

pillugu

**Kultureqarnermut, Ilinniartitaanermut, Ilisimatusarnermut Ilageeqarnermullu
Ataatsimiititaliap**

siunnersuutip pingajussaanneerpeqarneranut

**ILASSUTITUT
ISUMALIUTISSIISUTAA**

Kultureqarnermut, Ilinniartitaanermut, Ilisimatusarnermut Ilageeqarnermullu
Ataatsimiititaliap suliarinninnermini ilaasortarai:

Inatsisartunut ilaasortaq Mimi Karlsen, Inuit Ataqtigiit, Siulittaasoq
Inatsisartunut ilaasortaq Vivian Motzfeldt, Siumut, Siulittaasup tullia
Inatsisartunut ilaasortaq Laura Táunâjik, Siumut
Inatsisartunut ilaasortaq Peter Olsen, Inuit Ataqtigiit
Inatsisartunut ilaasortaq Henrik Fleischer, Partii Naleraq

Ulloq 1. juni 2017 UPA2017-p nalaani siunnersuutip aappassaanneerpeqarnerata kingorna
ataatsimiititaliap siunnersuut misissorpaa.

1. Siunnersuutip ataatsimiititaliamit suliareqqinneqarneranut tunngaviusoq

Siunnersuutip matuma aappassaannerlugu suliarineqarneranut atatillugu ataatsimiititaliap
isumaliutissiisummini kissaatigalugu oqaatigisimavaa siunnersuut
pingajussaanneerpeqartinnani ataatsimiititaliamit suliareqqinneqartussanngorlugu
innersuunneqarnissaa. Kissaateqarneq tamanna siunnersuutip aappassaanneerpeqarnerani
inatsisartunit ilalernerqarpoq.

2. Siunnersuut

Siunnersuutip matuma suliarineqaqqinnissaanut ataatsimiititaliap kissaateqarnermini
kissaatigaa, siunnersuutip piviusunngortinneqarnerani aningaasaliissutigineqartussatut
kissaatigineqartut atorneqarsinnaaneri pillugit assigiinngitsunik paasisutissiisoqarnera¹

¹ Siunnersuutip matuma aappassaanneerpeqarnerani isumaliutissiisummi tunniunneqartumi takuuk imm. 7.

misissuiffigissallugu. Siunnersuummik suliaqarnermini nangitsinermut atatillugu Ilinniartitaanermut, Kultureqarnermut, Ilisimatusarnermut Ilageeqarnermullu Naalakkersuisoq aamma Inuussutissarsiornermut, Suliffeqarnermut, Niuernermut Nukissiuuteqarnermullu Naalakkersuisoq ataatsimiititaliap siunersiorsimavai.

Siunersiuinermut aggeqqusissut kiisalu Naalakkersuisut oqaaseqaataasa assilineqarneri isumaliutissiisummut **ilanngussaq 1-tut, 2-tut aamma 3-tut** kakkiunneqarput.

3. Siunnersuutip ataatsimiititaliamit suliarineqarnera

Siunnersuutip piviusunngortinneqarneranut, akuersissutigineqarneranut kiisalu atuutilernissaanut siunnersuutip kingunerisassai pillugit suliamut akuliusimasut tamarmik assigiimmik paasisimasaqarnissaat ataatsimiititaliamit qitiusutut isigineqarpoq.

Siunnersuutip aningaasalersorneqarnissaanut periarfissat pillugit ajornartorsiummut Ilinniartitaanermut, Kultureqarnermut, Ilisimatusarnermut Ilageeqarnermullu Naalakkersuisup kiisalu Inuussutissarsiornermut, Suliffeqarnermut, Niuernermut Nukissiuuteqarnermullu Naalakkersuisup nassuiaataannut ataatsimiititaliaq innersuussivoq. Tamatumunnga allatigut ataatsimiititaliaq oqaaseqaateqarnissamut pissutissaqarsorinngilaq, isumaqarlunilu Naalakkersuisut taaneqartut ajornartorsiut pillugu naammaginartumik nassuiaateqartut.

4. Ataatsimiititaliap inassuteqaataa

Ataatsimiititaliap **isumaqatigiittup** siunnersuutip **akuersissutigineqarnissaa** inassutigaa.

Taama oqaaseqarluni isumaliutissiisummilu allassimasutut paasinnilluni ataatsimiititaliap siunnersuut pingajussaaniigassanngortippaa.




Mimi Karlsen
Siulittaasoq



Vivian Motzfeldt
Siulittaasup tullia



Laura Táunâjik



Peter Olsen



Henrik Fleischer



Ilinniartitaanermut, Kultureqarnermut, Ilisimatusarnermut Ilageeqarnermullu Naalakkersuisoq
ikiin@nanog.gl

Inuussutissarsiornermut, Suliffeqarnermut, Niuernermut Nukissiuuteqarnermullu Naalakkersuisoq
isiin@nanog.gl

Ulloq: 01-06-2017

J.nr.: 01.39.01.03-00183

Sisamangorneq ulloq 1. juni 2017 nal. 17.35 Ataatsimiittarfik Erling Høeghimi Kultureqarnermut, Ilinniartitaanermut, Ilisimatusarnermut Ilageeqarnermullu Ataatsimiititaliap siunersiuinissaanut nukinginnartumik aggeqqusissut

Ilinniartitaanermut, Kultureqarnermut, Ilisimatusarnermut Ilageeqarnermullu Naalakkersuisoq aamma Inuussutissarsiornermut, Suliffeqarnermut, Niuernermut Nukissiuuteqarnermullu Naalakkersuisoq siunersiuinissamat matumuuna Kultureqarnermut, Ilinniartitaanermut, Ilisimatusarnermut Ilageeqarnermullu Ataatsimiititaliamit aggersarneqarput.

UPA 2017/127-ip Folkehøjskolit pillugit inatsisissatut siunnersuutip aappassaanneerpeqarneranut atatillugu – ataatsimiititaliap nammineq kissaateqarneratigit siunnersuut ataatsimiititaliamut suliassangortiqqinneqarpoq¹.

Folkehøjskolit aningaasalersorneqarnerat kiisalu ilinniartut ilinniagaqarnersiutaat pillugit aalajangersakkanut Naalakkersuisut allannguutissatut siunnersuutaat malillugu siunnersuut suliassaqarfimmut aningaasartuuteqarnerunermik nassataqassaaq.

Tassunga atatillugu ulloq 22. december 2016 Inuussutissarsiornermut, Suliffeqarnermut, Niuernermut Nukissiuuteqarnermullu Naalakkersuisoqarfik akisuteqaammini ima allassimavoq:

“Pisortanut aningaasaqarnikkut allaffissornikkullu kingunissaritinneqartut” qupperneq 10-mi – maannakkut inuusuttunut suliniutinut 3.070.000 kr. Inuussutissarsiornermut, Suliffeqarnermut, Niuernermut Nukissiuuteqarnermullu Naalakkersuisoqarfimmit erseqqissaatigineqassaaq aningaasat tamarmik Naalakkersuisoqarfimmi sinaakkutissanit nassaarineqassammata, aammalu inuusuttunut suliniutinut sinneqartoorutaanngimmata.”

(Nutserneqarnera Inatsisartut allatseqarfianit akisussaaffigineqassanngilaq, Naalakkersuisoqarfimmit danskisuinnaq nassiunneqarsimammat).

(Ataatsimiititaliap erseqqissaanera)

¹ Takuuk siunnersuutip appassaanneerpeqarneranut ataatsimiititaliap isumaliutissiisutaani imm. 7.

Inatsisissatut siunnersuutip nalinginnaasumik nassuiaataanni tusarniaanermi akissutitut oqaaseqaatini nr. 6.3-imi Naalakkersuisut ima oqaaseqaateqarput:

"Siunnersuummik allannguissamut tunngavissiiingilaq. Innersuunneqassaaq 3.8 Naalakkersuisut 2018-imit, Aningaasanut inatsisissamut siunnersuutaanni qanoq aningaasalersuisoqarniarnersoq pillugu."

Oqaaseqaatini pineqartuni 3.8-imi ima allassimavoq:

"Siunnersuummik allannguissamut tunngavissiiingilaq. Naalakkersuisut naatsorsuutigaat Aningaasanut inatsisissamut 2018-imit siunnersuummi aningaasaliissutissanik nassaarnissaq kontumi pingaarnermi 20.11.70 suliniutitut nutaanut sillimmatit ilanngarnerisigut, 2017-imi 5 mio. kr.-inik immikkoortitsisoqarmat inuusuttuaqqanut siunnerfiusunut ikaarsaariarnermi suliniutitut atorneqartussanik."

Tusarniummut akissutit apeqqutaatinnagit llinniartitaanermut, Kultureqarnermut, Ilisimatusarnermut Ilageeqarnermullu Naalakkersuisup aningaasanik nuussinissamik kissaateqarnek aalajangiusimammagu, ataatsimiititaliamit apeqqutigissallugu pissusissamisoortutut isigineqarpoq suliniutit/iiliusissat sorliit kingullinngortinneqartussat naatsorsuutigineqarnerisut². Tamatumunnga llinniartitaanermut, Kultureqarnermut, Ilisimatusarnermut Ilageeqarnermullu Naalakkersuisoq akivoq:

"Taamaalilluni pineqartoq tassaavoq aningaasanik sillimmatitut inissimasunik, taamaalillutillu suliniutitut aalajangersimasunut immikkoorteriigaanngitsunik, nuussiniarneq. Aningaasalersuinissamut tunngavimmik erseqqissaaneq tamanna pivooq tusarniaanermut akissutit tunuliaqutaralugit. Taamaammatt Inuusutissarsiornermut Suliffeqarnermut, Niuernermut Nukissiteqarnermullu Naalakkersuisoqarfiup tusarniaanermut akissutaanut atatillugu aamma oqaatigineqassaaq taamatut paasinninnermi eqqunngimmat, inuusuttunut suliniutini aningaasat sinneqassanngitsut."

(Ataatsimiititaliap erseqqissaanera)

Aningaasat pineqartut atorneqarsinnaanerannut imaluunniit atorneqarsinnaannginnerannut Naalakkersuisut akornanni assigiinngitsumik paasinnittoqarnera ataatsimiititaliamit eqqumiigineqarpoq. Aningaasat taaneqartut konto pingaarneq 20.11.70-imeersut 3. mio. kr. sinneqarput aammalu siunnersuutip kingunerisaanik aningaasartuutaanerusussanut aningaasalersuutissat amerlanerpaartaat naligalugit, taamaattumillu ataatsimiititaliamit pisariaqartinneqarpoq siunnersuinissamut aggersaanissaq.

Tamanna tunngavigalugu siunnersuinermi llinniartitaanermut, Kultureqarnermut, Ilisimatusarnermut Ilageeqarnermullu Naalakkersuisup aamma Inuusutissarsiornermut,

²Ataatsimiititaliap apeqquteqaatai kiisalu Naalakkersuisut akissuteqaataat siunnersuutip appasaanneernejarneranut atatillugu ataatsimiititaliap isumaliutissiissuustaanut ilanngussatut kakkiiunneqarsimapput.

Suliffeqarnermut, Niuernermut Nukissiuuteqarnermullu Naalakkersuisup matuma kingulianiittoq nassuiaateqarfigissagaat ataatsimiititaliamit kissaatigineqarpoq:

1. Konto pingaarneq 20.11.70-imiittut aningaasat tamarmik atorneqarsinnaanersut taamaattoqannginersorluunniit nassuiaqqullugu Naalakkersuisut qinnuigineqarput.


Siunersiuinerup ingerlanerani malitseqartitsissutinik apeqquteqartarnissaq ataatsimiititaliamit naatsorsuutigineqarpoq.

Ataatsimiititaliap aamma Iliniartitaanermut, Kultureqarnermut, Ilisimatusarnermut Ilageeqarnermullu Naalakkersuisup kiisalu Inuusutissarsionermut, Suliffeqarnermut, Niuernermut Nukissiuuteqarnermullu Naalakkersuisup akornanni anguniakkat pillugit eqqartueqatiginnertut siunersiuinerup iluseqartinneqarnissaa ataatsimiititaliamit anguniagaavoq. Taamatut oqallinneq ammasumik oqallinnertut sapinngisamik ingerlanneqassaaq.

Kiisalu apeqqutit siuliani allassimasut pillugit allakkiamik kalaallisut danskisullu ataatsimiititaliap Naalakkersuisumik siunersiuineranut atatillugu pissarsisinneqarnissani ataatsimiititaliap kissaatigaa. Allakkiap qarasaasiakkut ina@ina.gl-mut kiisalu rfr@ina.gl-mut piaartumik nassiunneqarnissaa kissaatigineqarpoq. Allakkiaq siunersiuinerumt nassarneqarpat atorneqarpallu taassuma nuutinera siunersiuinerup aallartinnerani ataatsimiititaliap oqalutnaanut tunniuteqquneqarpoq.

Kultureqarnermut, Iliniartitaanermut, Ilisimatusarnermut Ilageeqarnermullu Ataatsimiititaliaq sinnerlugu

Inussiarnersumik inuulluaqqisillunga


Mimi Karlsen

Ataatsimiititaliamut siulittaasoq



Ilanngussaq 02

Kultureqarnermut, Ilinniartitaanermut, Ilisimatusarnermut Ilageeqarnermullu
ataatsimiititaliaq
ina@ina.gl aamma rfr@ina.gl

1. juni 2017 uunga tunngasumik isumasioqatigiinnissamat oqaaseqaatissaq: UPA 2017/127, Folkehøjskolit pillugit Inatsisartut inatsisaata allanngortinnera pillugu siunnersuut.

Ataatsimiititaliap isumasioqatigiinnermi kissaatigaat Naalakkersuisut nassuiassagaat ilumut kontomi pingaarnermi 20.11.70-imi aningaasaliissutit tamarmiusut atorneqarsinnaanersut atorneqarsinnaannginnersulluunniit.

16. maajimi ataatsimiititaliap apeqqutaannut 20. maajimi akissutigineqartumi allanneqarpoq Naalakkersuisut 2018-imi aamma siunnersuuteqalersaartut kontomut pingaarnermut 20.11.70-imut aningaasanik immikkoortitsisoqassasoq – ilutigitilluguli aamma Naalakkersuisunit siunnersuutiginiarneqartoq kontomi pingaarnermi aningaasat ilanngunneqartussaagaluartut ilaat folkehøjskolinut kontomut pingaarnermut 40.92.10-mut illuartinneqassasut.

Folkehøjskolit kontoannut pingaarnermut 2018 aallarnerfigalugu illikartitsiniarneq 2017-imi kontomi pingaarnermi 20.11.70-imi atugassatut pilersaarutinut sunniuteqassanngillat inatsit aatsaat 1. januar 2018 atuutilersinniarneqarmat. 2018-imi folkehøjskolit kontoannut pingaarnermut illikartitsinermi 2018-imut aningaasanut inatsisissatut siunnersuummi konto pingarneq 20.17.70 annertoqataanik appartinneqassaaq.

Inuussutissarsiornermut, Suliffeqarnermut, Niuernermut Nukissiuuteqarnermullu Naalakkersuisoqarfiup tusarniaanermut akissuteqaataa siunnersuummut tusarniutigineqartumut tunngatillugu akissutaavoq. Siunnersuutip taassuma oqaaseqaatitaani aningaasalersorneqarnissaa pillugu allassimavoq 3.070.000 koruunit inuusuttut pillugit suliniutinit nuussinikkut pissasoq. Tassani erseqqissaqqissaarneqarsimanngilaq aningaasat aningaasaliissutinit sorlerpiarniit figuniarneqarnersut.

Taassuma malitsigisaanik kingorna Suliffeqarnermut, Niuernermut Nukissiuuteqarnermullu Naalakkersuisoqarfiup aamma Aningaasaqarnermut akileraartarnermullu Naalakkersuisoqarfiup akornanni oqaloqatigiittoqarpoq. Suliffeqarnermut, Niuernermut Nukissiuuteqarnermullu Naalakkersuisoqarfiup tassunga atatillugu ilisimatitsissutigaat tusarniaanermut akissuteqaatertik aningaasanut inatsimmi inuusuttunut suliniutinut aalajangersimasunut immikkoortinneqareersimasunut tunngatillugu akissuteqarsimallutik. Tamanna tunngavigalugu isumaqatigiissutigineqarpoq aningaassalersuineq pissasoq 20.11.70-imit folkehøjskolinut kontomut pingaarnermut illuartsinikkut pissasoq aningaasat taakkua

31-05-2017
Sagsnr. 2016 - 6765
Dok. nr. 5505762

Postboks 1029
3900 Nuuk
Tlf: +299 34 50 00
Fax: +299 32 20 73
Email: ikiin@nanoq.gl
www.nanoq.gl

suliniutinut aalajangersimasunut immikkoortinneqarsimangimmata pineqartumullu
atorneqarsinnaassammata.

Inussiarnersumik inuulluaqqusilluta


Doris Jakobsen



Isumasioqatigiinnissaq pillugu allakkiaq

Ilanngussaq 03

Ulloq 01. juni 2017 ullormut oqaluuserisassaq UPA2017/127 folkehøjskolerit pillugit inatsisissatut siunnersuummut tunngatillugu Kultureqarnermut, Ilinniartitaanermut, Ilisimatusarnermut Ilageeqarnermullu Ataatsimiititaliamik isumasioqateqarnissaq pillugu allakkiaq

31-05-2017
Sags nr. 2017 - 12118

Postboks 1601
3900 Nuuk
Tlf. (+299) 34 50 00
Fax (+299) 32 56 00
E-mail: isiin@nanoq.gl
www.nanoq.gl

Kultureqarnermut, Ilinniartitaanermut, Ilisimatusarnermut Ilageeqarnermullu Ataatsimiititaliap ullormut oqaluuserisassami immikkoortup ataatsimiititaliami suliarineqarneranut atatillugu Inuussutissarsiornermut, Suliffeqarnermut, Niuernermut Nukissiuuteqarnermullu Naalakkersuisoq Kultureqarnermut, Ilinniartitaanermut, Ilisimatusarnermut Ilageeqarnermullu Ataatsimiititaliap isumasioqatiginissaanut aggersarpaa, tassanilu *konto pingaarnermi 20.11.70-imi aningaasat oqaatigineqartut tamarmik atorneqarsinnaaneri atorneqarsinnaannginneriluunniit* pillugit Naalakkersuisut nassuiaateqarnissaat ataatsimiititaliap kissaatigaa.

Ilumoorpoq Inuussutissarsiornermut, Suliffeqarnermut, Niuernermut Nukissiuuteqarnermullu Naalakkersuisoq ulloq 22. december 2016-imi tusarniaanermut ima imalimmik akissuteqarpoq:

"Pisortanut aningaasaqarnikkut allaffissornikkullu kingunissaritinneqartut" quppernemi 10-mi maannakkut inuussuttunut suliniutinut 3.070.000 kr. Inuussutissarsiornermut, Suliffeqarnermut Niuernermut Nukissiuuteqarnermullu Naalakkersuisoqarfimmit erseqqissaatigineqassaaq aningaasat tamarmik naalakkersuisoqarfimmi sinaakkutissanit nassaarineqarsinnaammata, aammalu inuussuttunut suliniutinut sinneqartoorutaanngimmata."

Aningaasanut inatsimmi inuussuttunut suliniutinut aalajangersimasunut aningaasat immikkoortinneqartut innersuussutigalugit tusarniaanermi akissut suliarineqarpoq. UPA2017/127-imi aningaasat pineqartut konto pingaarneq 20.11.70 "Suliniutinut nutaanut sillimmatit"-neersuummata, suli siunertanut aalajangersimasunut immikkoortinneqanngitsut, Inuussutissarsiornermut, Suliffeqarnermut, Niuernermut Nukissiuuteqarnermullu Naalakkersuisup kontomit siuliani taaneqartumit 3 mio. kr-t siunnersuutip siunertanut atugassanngortitsinissamut akerliliissutissaqanngilaq, aningaasammi taaneqartut tamarmik atorneqanngitsutut isigineqarput.

Inussiarnersumik inuulluaqqusilluta

Hans Enoksen